

欽定八旗通志卷九十一

典禮志十四

滿洲祭神祭天典禮三

四季獻神儀注 四季獻神祝辭

佛祝辭

堂子立杆大祭儀注

坤寧宮大祭祝

辭

大祭翌日祭天儀注

大祭翌日祭天贊辭

每歲春夏秋冬四季獻神儀注

每歲四季獻

神是日先照常祭儀懸掛朝祭夕祭

神幔朝祭夕祭

神位俱照常安奉朝祭夕祭香碟內點香

上駟院以白馬二侍衛牽之慶豐司以牛二廐長牽之金二錠銀二錠廣儲司銀庫官員舉之蟒緞龍緞片金倭緞閃緞以及各色緞十毛青三梭布四十置于紅漆低桌上緞疋庫庫使舁之掌儀司官員司俎官前引內務府總管暨

上駟院大臣帶領

乾清右門入自

乾清宮西櫺經

交泰殿至

坤寧宮門外陳馬於西陳牛於東首俱向上司俎太

監等恭捧金錠銀錠並昇緞布桌入

坤寧官司香接受於朝祭

神位前就地安設緞布之桌置金銀其上鋪黃化紅檀司

祝進跪祝叩頭畢司香等昇桌於夕祭

神位前就地安設移鋪紅檀司祝進跪祝叩頭畢將所供

之金銀緞布收貯於供朝祭

神位之繪花紅漆抽屜桌內其大臣侍衛官員以牛馬出
越三日後總管太監以金銀緞布出留銀之外金
緞布馬牛俱交會計司除不售于同姓滿洲外估
價以售所得價銀購猪以祭

皇帝親詣行禮如常祭儀或適遇祭神之日俟食肉畢
皮骨撤出恭請

佛

菩薩安奉後始行祭獻

每歲春夏秋冬四季獻神朝祭

神前祝辭

上天之子佛及菩薩大君先師三軍之帥關聖帝

君某年生小子某年生小子

爲某人祭則呼
某人本生年

今敬

祝者謹以黃金白銀蟒緞龍緞片金倭緞閃緞各

色緞布良馬健牛獻于神靈豐於首而仔於肩衛

於後而護於前畀以嘉祥兮齒其兒而髮其黃兮

年其增而歲其長兮根其固而身其康兮神兮既
我神兮佑我永我年而壽我兮

夕祭

神前祝辭

上天之子年錫之神安春阿雅喇穆哩穆哩哈納
丹岱琿納爾琿軒初恩都哩僧固拜滿章京納丹
威瑚哩恩都蒙鄂樂喀屯諾延某年生小子某年
生小子爲某人祭則呼
某人本生年今敬祝者謹以黃白金銀

蟒緞龍緞片金倭緞閃緞各色緞布良馬健牛獻
于神靈豐于首而仔於肩衛於後而護於前昇以
嘉祥兮齒其兒而髮其黃兮年其增而歲其長兮
根其固而身其康兮神兮貺我神兮佑我永我年
而壽我兮

浴

佛儀注

四月初八日

佛誕祭祀是日先于

堂子內

饗殿中間懸掛神幔屆時衣金黃緞衣內監八人昇黃緞
神輿進

內左門

近光左門

景和門預備於

坤寧宮門外衣黃緞衣司俎滿洲二人恭請

佛亭並貯

菩薩像木筒貯

關帝神像木筒安奉與內衣金黃緞衣內監八人昇行由

宮殿正門出前引仗二對羊角燈二對亦用衣金黃

緞衣內監執之司俎官二員司俎二人司俎滿洲

二人由

宮內前引至

乾清門外侍衛十員前導掌儀司官一員司俎首領

金匱要略卷之二十一
太監一員內監八人扈行應供之椒葉餠餠醴酒
罇紅蜜棉花俱置于架上及食盒之內領催蘇拉
隨後昇送至

堂子時衣黃緞衣司俎滿洲等恭請

神位供

佛亭于西首之座次于神幔上懸

菩薩像又次懸

關帝神像供奉畢收諸王呈送所供之餠餠酒蜜棉花謹

將

大內備去之紅蜜及諸王呈送之蜜各取少許貯于黃磁浴池內以淨水攪勻司香啟亭門司祝請

佛于黃磁浴池內浴畢復以新棉墊座仍安奉原位又將諸王呈送之根葉餠餠俱供于二大黃漆低桌之上

大內之九盤餠餠供于上面醴酒三瓊香碟三仍供原處司香點香炕沿下小桌上設大黃磁碗二盛

金匱要略卷之十一
大內備去之酒及諸王呈送之酒其

亭式殿內以板木葉簪簪及諸王呈送之簪簪貯於銀盤
供之呈送之酒貯于低桌上所設一大藍花磁碗
內供之仍先于高案下所立杉木柱上掛紙錢二
十七張諸王遣來之人俱掛紙錢

大內之奏三絃琵琶太監二人在

響殿外丹陛之西首諸王之護衛官員在丹陛兩旁對坐
鳴拍板拊掌衣朝服之二司祝進跪司香一人舉

臺琰二分授于二司祝二司祝接受臺琰同獻酒
九次司俎官一員于

饗殿階下東首立贊鳴拍板卽奏三絃琵琶鳴拍板拊掌
二司祝每一獻將所獻之酒注于兩旁所設紅花
磁缸內復自盛醴酒椀內挹新酒各注于二琰中
獻之每一獻司俎官贊歌鄂囉羅則歌鄂囉羅九
次獻畢二司祝以臺琰授于司香等同叩頭與合
掌致敬司俎官贊停拍板其三絃琵琶拍板暫止

二司祝進

亭式殿內跪司香等舉授臺琰二司祝同獻酒九次奏三絃琵琶鳴拍板拊掌歌鄂囉羅均如

饗殿獻酒儀獻畢以臺琰授于司香等一叩頭與合掌致敬一司祝預備於

亭式殿內一司祝進

饗殿正中立司香舉授神刀司祝接受神刀前進司組官贊鳴拍板卽奏三絃琵琶鳴拍板拊掌司祝一叩

頭興司俎官贊歌鄂囉羅卽歌鄂囉羅司祝擎神
刀禱祝三次誦神歌一次擎神刀禱祝時則歌鄂
囉羅如是誦神歌三次禱祝九次畢仍奏三粒琵琶
鳴拍板拊掌司祝進

享式殿內一叩頭興誦神歌擎神刀禱祝以及歌鄂囉羅
俱如祭

饗殿儀禱祝畢復進

饗殿內一叩頭興又禱祝二次司祝官贊歌鄂囉羅則歌

鄂囉羅一次禱祝畢授神刀於司香司俎官贊停
拍板其三絃琵琶拍板皆止興退司俎復跪祝叩
頭興合掌致敬退其

亭式殿內預備之司祝亦跪祝叩頭興合掌致敬退司香
闕

佛亭門撤

菩薩像

關帝神像恭貯于太簡內仍用衣黃緞衣司俎滿洲等恭

請安奉輿內鐙仗排列前導恭請入

宮所供酒與餽餽分給隨去之侍衛官員司俎等

四月初八日浴

佛於

堂子饗殿內祝辭

上天之子佛及菩薩大君先師三軍之帥關聖帝

君某年生小子等

爲某人祭則呼
某人本生年

今敬祝者遇佛

誕辰偕我諸王敬獻于神祈鑑敬獻之心俾我小